

– Հիւբբին: Այսպէս կոչում են նրան:

Հիւբբին ճանաչեց թէ ինձ եւ թէ Մարօին :

– Եկէք, գուշակեմ ձեզ համար, – Նա դարձաւ դէպի մեզ ժպտելով: – Ձեզանից փող չեմ առնի:

– Եր՞բ եկար այստեղ: Ու՞ր է քո մայրը, – սկսեցի ես շփոթեցնել նրան զանազան հարցերով:

Դեռ Նա պատասխան չտոած, յայտնուեցաւ Սուսանը, կասկածաւոր կերպով Նայեց իմ երեսին, մոմռաց դէպի Հիւբբին մի քանի անհասկանալի խօսքեր: Փոքրիկ վիռկը վայր թռաւ ժայռից, որի վրայ Նստած էր, եւ երկուսը միասին անյայտացան գիշերային խաւարի մէջ :

– Ինչո՞ւ նրանք փախան, երբ տեսան մեզ, – հարցրուց Մարօն:

– Չեմ իմանում: Պառաւ կախարողը միշտ զգուշանում է, որ Հիւբբին ինձ չհանդիպէ, – պատասխանեցի ես:

– Իստա՛կ սատանայ է այդ աղջիկը, – ասաց Մարօն:

– Նա հաւատացնում էր, թէ իր մայրը գողացել է նրան դեւերի օրօրոցից, – մէջ մտաւ մի աղջիկ, որ կանգնած էր մեզ մօտ: – Դրուստ է ասում, եթէ դեւիկ չլինի, մի այնքան պստիկ երեխան կարո՞ղ է ամէն բան գիտենալ: Նա ասաց ինձ բոլորը, ինչ որ կար իմ սրտում, ինչ որ ես արել էի...

Երբ հեռացանք բազմութիւնից, Մարօն ինձ ասաց.

– Կամ Կարօն, կամ նրա ընկերներից մէկն այստեղ պետք է լինի:

– Դու ինչի՞ց ես իմանում:

– Այդ կախարդ կինը եւ փոքրիկ վիռկը միշտ հետեւում են նրանց: Որտեղ որ Կարօն լինում է, դրանք այնտեղ իսկոյն յայտնում են:

– Ես չեմ հասկանում, Կարօն եւ իր ընկերներն ի՞նչ գործ ունեն այդ բոշաների հետ:

– Ես էլ չեմ հասկանում, – պատասխանեց Մարօն: – Բայց մի բան ասեմ քեզ, Ֆարիատ, այն փոքրիկ վիռկը, որին կոչում են Հիւբբի, հայերէն խօսում է եւ խօսում է ինչպէս մի հայ:

– Բոշաներն ամէն լեզրով խօսում են:

– Դա նրանց նման չէ: Մի անգամ ես ասեցի՝ Հիւբբի, Ե՛կ մեր տանը մնա՛, ես քեզ կը պահեմ, ինձ քոյր կը շինեմ: Նա ինձ ասաց, «չէ, ես մօրս մօտ պիտի գնամ, մայրս ինձ շատ է սիրում»: Այս խօսքերը Նա ասաց հայերէն լեզրով, բայց պառաւը հենց որ լսեց, բարկացաւ, շուտով հեռացրուց Հիւբբիին: